

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U VISOKOM**

Broj: 41 0 K 099261 24 K
Visoko, 13.08.2024. godine

U IME FEDERACIJE BOSNE I HERCEGOVINE

Općinski sud u Visokom, sudija Amir Bajrić, uz učešće zapisničara Alme Halilović, u krivičnom predmetu protiv optuženog A.S. zbog produženog krivičnog djela „Neovlaštena proizvodnja i stavljanje u promet opojnih droga“ iz člana 238. stav 1. u vezi sa članom 55. KZ F BiH u sticaju sa krivičnim djelom „Nedozvoljeno držanje oružja ili eksplozivnih materija“ iz člana 371. stav 1. KZ F BiH, sve u vezi sa članom 54. KZ F BiH a optuženog K.F. zbog produženog krivičnog djela „Neovlaštena proizvodnja i stavljanje u promet opojnih droga“ iz člana 238. stav 1. u vezi sa članom 55. KZ F BiH u sticaju sa krivičnim djelom „Posjedovanje i omogućavanje uživanja opojnih droga“ iz člana 239. stav 3. KZ F BiH, sve u vezi sa članom 54. KZ F BiH postupajući po optužnici Kantonalnog tužilaštva Zeničko-dobojskog Kantona broj T04 0 KT 0048325 22 od 22.09.2023. godine, nakon održanog glavnog, javnog, pretresa dana 12.08.2024. godine u prisustvu optuženog A.S. i njegove braniteljice Mujkić Dajane, advokata iz Zenice, te optuženog K.F.a i njegovih branilaca Sirčo Zlatka i Sirčo Emine, advokata iz, Visokog, te kantonalne tužiteljice Manuele Smajić, donio i na ročištu za izricanje krivično pravne sankcije održanog u prisustvu optuženog K.F.a i njegove braniteljice Sirčo Emine, advokata iz Visokog i odsustvu uredno obaviještenih ostalih stranaka i branitelja, dana 12.08.2024. godine javno objavio sljedeću:

P R E S U D U

1. **A.S.** zvani „S.“, sin S. O. i majke N. rođene A., rođen ... godine u V., gdje je i nastanjen na adresi Lj. broj ..., pismen, sa završenih pet razreda osnovne škole, po zanimanju NK radnik, u vanbračnoj zajednici, Rom, državljanin BiH, lošeg imovnog stanja, JMB: ..., osuđivan,
2. **K.F.** zvani P. sin Š. i majke S. rođene H., rođen ... godine u S., nastanjen u V., ulica I.K. broj ..., pismen, sa završenom srednjom školom, po zanimanju elektromehaničar, neoženjen, vodi se u vojnoj evidenciji V., Bošnjak, državljanin BiH, lošeg imovnog stanja, JMB: ..., osuđivan,

K R I V I S U

što su:

I. A.S.

A) Dana 13.08.2021. godine u V., suprotno odredbama člana 4. stav 1., 2., 3. i 5. u vezi sa članom 20. Zakona o sprečavanju i suzbijanju zloupotrebe opojnih droga BiH („Službeni glasnik BiH“ broj 8/06, 103/08 i 51/11), neovlašteno radi dalje prodaje kod sebe držao opojnu drogu „amfetamin“ neto težine 13,954 grama umotanu u pvc kesu roze boje, koja droga je pod rednim brojem 1. liste psihotropnih tvari iz tabele II „Tvari i biljke pod strogom kontrolom“ proglašena takvom, iako je bio svjestan da je držanje i prodaja opojne droge zakonom zabranjeno, što je i htio, te suprotno odredbama člana 6a kategorija A Zakona o nabavljanju, držanju i nošenju oružja i municije ZDK („Službene novine ZDK“ broj 09/13) neovlašteno držao ručnu bombu F1 crne boje, koju je umotanu u alu foliju odložio u tamno-plavu kutiju sa natpisom „Navigare“ i zakopao u dvorištu kuće u ulici Lj. broj ..., iako je znao da je nabavljanje, držanje i nošenje ovog minsko-eksplozivnog sredstva iz kategorije A zakonom zabranjeno, što je i htio, koja opojna droga i bomba su mu pronađeni od strane policijskih službenika PS Visoko i privremeno oduzeti,

B) Dana 19.03.2021. godine, u V., suprotno odredbama člana 4. stav 1., 2., 3. i 5. u vezi sa članom 19. Zakona o sprečavanju i suzbijanju zloupotrebe opojnih droga BiH („Službeni glasnik BiH“ broj 8/06, 103/08 i 51/11), neovlašteno radi dalje prodaje kod sebe držao 32 paketića opojne droge “cannabis, tetrahidrokanabinol (THC)” neto težine 0,699 grama, 0,649 grama, 0,678 grama, 0,699 grama, 0,675 grama, 0,789 grama, 0,441 grama, 0,690 grama, 0,714 grama, 0,847 grama, 0,669 grama, 0,685 grama, 0,698 grama, 0,667 grama, 0,763 grama, 0,677 grama, 0,595 grama, 0,711 grama, 0,684 grama, 0,669 grama, 0,663 grama, 0,674 grama, 0,679 grama, 0,678 grama, 0,735 grama, 0,682 grama i 0,879 grama, 0,776 grama, 0,788 grama, 0,607 grama i 0,688 grama, koja droga je pod rednim brojem 13. liste opojnih droga i rednim brojem 26. liste psihotropnih tvari iz tabele I „Zabranjene tvari i biljke“ proglašena takvom, iako je bio svjestan da je držanje i prodaja opojne droge zakonom zabranjeno, što je i htio, koja opojna droga mu je pronađena od strane policijskih službenika PS Visoko prilikom pretresa kuće i objekata koje koristi u ulici Lj. po Naredbi Općinskog suda u Visokom broj 41 0 K 087195 21 Kpp od 19.03.2021. godine,

II. K.F.

A) Dana 25.12.2019. godine u Visokom, u ulici Izeta Kurtalića broj 2, suprotno odredbama člana 4. stav 1., 2., 3. i 5. u vezi sa članom 19. i 20. Zakona o sprečavanju i suzbijanju zloupotrebe opojnih droga BiH („Službeni glasnik BiH“ broj 8/06, 103/08 i 51/11), neovlašteno radi dalje prodaje kod sebe držao opojnu drogu „amfetamin“ neto težine 68,638 grama upakovanu u pvc paketić od najlonske folije, koja droga je pod rednim brojem 1. liste psihotropnih tvari iz tabele II „Tvari i biljke pod strogom kontrolom“ proglašena takvom, digitalnu vagu sive boje, plastičnu drobilicu zelene boje, opojnu drogu “cannabis, tetrahidrokanabinol (THC)” neto težine 0,180 grama upakovanu u najlonsku kesicu, koja droga je pod rednim brojem 13. liste opojnih droga i rednim brojem 26. liste psihotropnih tvari iz tabele I „Zabranjene tvari i biljke“ proglašena takvom, dvije tablete opojne droge „metilendioksimetamfetamin (MDMA)“ zelene i bijele boje neto težine 0,111 grama i 0,251 grama koja droga je pod rednim brojem 12. liste psihotropnih tvari iz tabele I „Zabranjene tvari i biljke“ proglašena takvom, opojnu drogu “cannabis, tetrahidrokanabinol (THC)” umotanu u obliku cigaretu dužine 10,5 cm i težine 1,099 grama i opojnu drogu “cannabis, tetrahidrokanabinol (THC)” neto težine 0,896 grama, koja droga je pod rednim brojem 13. liste opojnih droga i rednim brojem 26. liste psihotropnih tvari iz tabele I „Zabranjene tvari i biljke“ proglašena takvom, iako je bio svjestan da je držanje i prodaja opojne droge zabranjeno zakonom, što je i htio, koja droga i vaga su mu pronađeni od strane policijskih službenika PS

Visoko prilikom pretresa kuće i pratećih objekata koje koristi, po naredbi Općinskog suda u Visokom broj 41 0 K 081604 19 Kpp od 25.12.2019. godine,

B) Dana 10.03.2022. godine, u Visokom, u ulici I.K. broj ..., suprotno odredbama člana 4. stav 1., 2., 3. i 5. u vezi sa članom 19. Zakona o sprečavanju i suzbijanju zloupotrebe opojnih droga BiH („Službeni glasnik BiH“ broj 8/06, 103/08 i 51/11), neovlašteno posjedovao jedan paketić opojne droge “cannabis, tetrahidrokanabinol (THC)” neto težine 0,250 grama i drobilicu u kojoj se nalazila opojna droga “cannabis, tetrahidrokanabinol (THC)” neto težine 0,023 grama, koja droga je pod rednim brojem 13. liste opojnih droga i rednim brojem 26. liste psihotropnih tvari iz tabele I „Zabranjene tvari i biljke“ proglašena takvom, iako je bio svjestan da je držanje opojne droge zabranjeno zakonom, što je i htio, koja droga i drobilica su mu pronađeni od strane policijskih službenika PS Visoko prilikom pretresa kuće i pratećih objekata koje koristi, po naredbi Općinskog suda u Visokom broj 41 0 K 092122 22 Kpp od 04.03.2022. godine,

C) Dana 08.09.2020. godine oko 20,25 sati, u V., suprotno odredbama člana 4. stav 1., 2., 3. i 5. u vezi sa članom 19. Zakona o sprečavanju i suzbijanju zloupotrebe opojnih droga BiH („Službeni glasnik BiH“ broj 8/06, 103/08 i 51/11), K.F., iako je bio svjestan da je držanje i prodaja opojne droge zabranjeno zakonom, što je i htio, neovlašteno prodao S.K. za neutvrđen novčani iznos opojnu drogu “cannabis, tetrahidrokanabinol (THC)” neto težine 0,45 grama upakovanu u plastičnu foliju, koja droga je pod rednim brojem 13. liste opojnih droga i rednim brojem 26. liste psihotropnih tvari iz tabele I „Zabranjene tvari i biljke“ proglašena takvom, a koju drogu su S.K. pronašli policijski službenici PS Visoko u ulici R.K.

čime su:

Optuženi A.S. radnjama opisanim pod tačkama I. A. i B. izreke presude počinio produženo krivično djelo „Neovlaštena proizvodnja i stavljanje u promet opojnih droga“ iz člana 238. stav 1. u vezi sa članom 55. KZ F BiH u sticaju sa radnjama opisanim također pod tačkom I.A. izreke presude krivičnim djelom „Nedozvoljeno držanje oružja ili eksplozivnih materija“ iz člana 371. stav 1. KZ F BiH, sve u vezi sa članom 54. KZ F BiH a **optuženi K.F.** radnjama opisanim pod tačkama I. A. i C. izreke presude počinio produženo krivično djelo „Neovlaštena proizvodnja i stavljanje u promet opojnih droga“ iz člana 238. stav 1. u vezi sa članom 55. KZ F BiH u sticaju sa radnjama opisanim pod tačkom I. B. izreke presude krivičnim djelom „Posjedovanje i omogućavanje uživanja opojnih droga“ iz člana 239. stav 3. KZ F BiH, sve u vezi sa članom 54. KZ F BiH,

pa im sud primjenom istih zakonskih propisa, te uz primjenu člana 42., 43., 49., 50. stav 1. tačka b), 54. i 55. Krivičnog zakona FBiH utvrđuje:

- optuženom A.S. u za produženo krivično djelo „Neovlaštena proizvodnja i stavljanje u promet opojnih droga“ iz člana 238. stav 1. u vezi sa članom 55. KZ F BiH utvrđuje kaznu zatvora u trajanju od 1. (jedne) godine i za krivično djelo „Nedozvoljeno držanje oružja ili eksplozivnih materija“ iz člana 371. stav 1. KZ F BiH utvrđuje kaznu zatvora u trajanju od 1. (jedan) mjesec,
- optuženom K.F. za produženo krivično djelo „Neovlaštena proizvodnja i stavljanje u promet opojnih droga“ iz člana 238. stav 1. u vezi sa članom 55. KZ F BiH utvrđuje kaznu zatvora u trajanju od 1. (jedne) godine i za krivično djelo „Posjedovanje i omogućavanje uživanja opojnih droga“ iz člana 239. stav 3. KZ F BiH utvrđuje kaznu zatvora u trajanju od 1. (jedan) mjesec,

Pa im sud na osnovu istih zakonskih propisa iz članova 238. stav 1. 239. stav 3. i 371. stav 1. KZ FBiH i uz primjenu članova 41. stav 1 tačka a), 42, 43., 49., 50. stav 1. tačka b), 54. i 55. Krivičnog zakona Federacije Bosne i Hercegovine

IZRIČE

optuženom A.S.u JEDINSTVENU KAZNU ZATVORA U TRAJANJU OD 1 /JEDNE/ GODINE

i

optuženom K.F.u JEDINSTVENU KAZNU ZATVORA U TRAJANJU OD 1 /JEDNE/ GODINE

U skladu sa odredbama člana člana 78. i 238. stav 4. KZ F BiH optuženim A.S.u i K.F.u se izriče mjera sigurnosti trajnog oduzimanja predmeta radi uništenja u propisanoj proceduri i to:

- od A.S. opojnu drogu „amfetamin“ u količini od 13,927 grama koja je pohranjena u PS Visoko, opojnu drogu “cannabis, tetrahidrokanabinol (THC)” u količini preostaloj nakon vještačenja koja je pohranjena u PS Visoko,

- od K.F.a opojnu drogu „amfetamin“, opojnu drogu „metilendioksimetamfetamin (MDMA)“, opojnu drogu “cannabis, tetrahidrokanabinol (THC)” u količini preostaloj nakon vještačenja koja je pohranjena u PS Visoko, opojnu drogu “cannabis, tetrahidrokanabinol (THC)” u količini od 0,010 grama i 0,234 grama koja je pohranjena u KT ZDK Zenica.

Na osnovu člana 202. stav 1. i 3. ZKP FBiH optuženi A.S. i K.F. su dužni na ime troškova postupka platiti paušalnog iznos od po 30,00 KM.

OBRAZLOŽENJE

Kantonalno tužilaštvo Zeničko-dobojskog kantona Zenica je optužnicom broj T04 0 KT 0048325 22 od 22.09.2023. godine, optužilo S.K., A.S. i K.F.a da su radnjama opisanim u optužnici počinili - S.K. krivično djelo „Posjedovanje i omogućavanje uživanja opojnih droga“ iz člana 239. stav 3. KZ F BiH, A.S. produženo krivično djelo neovlaštena proizvodnja i stavljanje u promet opojnih droga iz člana 238. stav 1. u vezi sa članom 55. KZ F BiH u sticaju sa krivičnim djelom nedozvoljeno držanje oružja ili eksplozivnih materija iz člana 371. stav 1. KZ F BiH, sve u vezi sa članom 54. KZ F BiH, te K.F. produženo krivično djelo neovlaštena proizvodnja i stavljanje u promet opojnih droga iz člana 238. stav 1. u vezi sa članom 55. KZ F BiH u sticaju sa krivičnim djelom posjedovanje i omogućavanje uživanja opojnih droga iz člana 239. stav 3. KZ F BiH, sve u vezi sa članom 54. KZ F BiH. Nakon potvrđivanja optužnice, S.K. se na izjašnjenju o krivnji izjasnio da je kriv te je predmet u odnosu na njega dostavljen sudiji radi zakazivanja ročišta za razmatranje izjave o priznanju krivnje dok su se optuženi A.S. i K.F. na ročištu za izjašnjenje o krivici izjasnili da nisu krivi, nakon čega je predmet dostavljen sudiji radi zakazivanja glavnog pretresa.

Na glavnom pretresu održanom dana 12.08.2024. godine, oba optužena tj. i A.S. i K.F. su, u prisustvu i nakon konsultacija sa braniteljima, izjavili da u cjelosti priznaju izvršenje krivičnih djela koja im se optužnicom stavljaju na teret.

S obzirom da su optuženi u cjelosti priznali izvršenje krivičnog djela sud je u smislu člana 280. ZKP FBiH, izvršio uvid u dokaze tužilaštva i to: nalaz i mišljenje ispitivanja hemijskog vještačenja broj: 09-18/2-03-5-1601 od 14.10.2021. godine, nalaz vještačenja eksplozivnog sredstva broj 08-02-03/6-03-2-4807-1/21/HN od 13.12.2021. godine, nalaz i mišljenja ispitivanja hemijskog vještačenja broj: 09-18/2-03-5-671 od 15.06.2021. godine, nalaz i mišljenje ispitivanja hemijskog vještačenja broj: 09-18/2-03-5-757 od 18.08.2022. godine i od 15.05.2020. godine, zapisnik o uviđaju PS Visoko broj 08-02-09/1-248/21 od 13.08.2021. godine, potvrdu o privremenom oduzimanju predmeta PS Visoko broj 08-02-09/1-121/21 od 13.08.2021. godine na ime A.S., zapisnik o izvršenoj radnji privremenog oduzimanja predmeta i popisu privremeno oduzetih predmeta PS Visoko broj 08-02-09/1-121-1/21 od 13.08.2021. godine, zapisnik o otvaranju i pregledu privremeno oduzetih predmeta i dokumentacije PS Visoko broj 08-02-09/1-240-1/21 od 20.09.2021. godine, odobrenje i naredba za vještačenje KT ZDK broj T04 0 KTA 0046331 21 od 20.08.2021. godine, naredba za vještačenje KT ZDK broj T04 0 KTA 0046331 21 od 01.12.2021. godine, foto-dokumentaciju PS Visoko broj 08-02-09/1-248/21 od 13.08.2021. godine, foto-dokumentaciju PS Visoko broj 08-02-09/1-240/21 od 13.08.2021. godine, foto-dokumentaciju PS Visoko broj 08-02-09/1-240-1/21 od 20.09.2021. godine, naredbu za pretresanje Općinskog suda u Visokom broj 41 0 K 087195 21 Kpp od 19.03.2021. godine, potvrdu o privremenom oduzimanju predmeta PS Visoko broj 08-02-09/1-44/21 od 19.03.2021. godine na ime A.S., zapisnik o pretresanju stana, drugih prostorija i pokretnih stvari PS Visoko broj 08-02-09/1-18/21 od 19.03.2021. godine, zapisnik o otvaranju i pregledu privremeno oduzetih predmeta i dokumentacije PS Visoko broj 08-02-09/1-44/21 od 09.04.2021. godine, naredbu za vještačenje KT ZDK broj T04 0 KTA 0044954 21 od 25.03.2021. godine, foto-dokumentaciju PS Visoko broj 08-02-09/1-87/21 od 19.03.2021. godine, foto-dokumentaciju PS Visoko broj 08-02-09/1-44/21 od 09.04.2021. godine, nalaz i mišljenje ispitivanja hemijskog vještačenja broj: 09-18/2-03-5-563 od 15.05.2020. godine, Zapisnik o saslušanju svjedoka Š.S. od 25.12.2019. godine, naredbu za pretresanje Općinskog suda u Visokom broj 41 0 K 081604 19 Kpp od 25.12.2019. godine, potvrdu o privremenom oduzimanju predmeta PS Visoko broj 08-02-09/1-251/19 od 25.12.2019. godine na ime K.F., zapisnik o pretresanju stana, drugih prostorija i pokretnih stvari PS Visoko broj 08-02-09/1-63/19 od 25.12.2019. godine, zapisnik o otvaranju i pregledu privremeno oduzetih predmeta i dokumentacije PS Visoko broj 08-02-09/1-359-1/19 od 15.04.2020. godine, naredbu za vještačenje KT ZDK broj T04 0 KTA 0040816 19 od 11.03.2020. godine, foto-dokumentaciju PS Visoko broj 08-02-09/1-359/19 od 25.12.2020. godine, foto-dokumentaciju PS Visoko broj 08-02-09/1-359-1/21 od 15.04.2020. godine, naredbu za pretresanje Općinskog suda u Visokom broj 41 0 K 092122 22 Kpp od 04.03.2022. godine, potvrdu o privremenom oduzimanju predmeta PU I Zenica broj 08-02-08/4-64/22 od 10.03.2022. godine na ime K.F., zapisnik o pretresanju stana, drugih prostorija i pokretnih stvari PU I Zenica broj 08-02-08/4-17/22 od 10.03.2022. godine, zapisnik o otvaranju i pregledu privremeno oduzetih predmeta i dokumentacije PU I Zenica broj 08-02-08/4-188/22 od 10.03.2022. godine, naredbu za vještačenje KT ZDK broj T04 0 KT 0048325 22 od 25.03.2022. godine foto-dokumentaciju PS Zavidovići broj 08-02-10/1-42/22 od 10.03.2022. godine, službena zabilješka broj 08-02-03/4-95/20 od 08.09.2020. godine, izvod iz kaznene evidencije za osumnjičenog A.S. PS Visoko broj 08-02-09/1-03-10-4-4435/23 od 05.09.2023. godine, izvod iz kaznene evidencije za osumnjičenog K.F.a MUP KS, Uprava policije Sarajevo broj 02/5-2-03-8-2-3511 od 01.09.2023. godine, te dokaze odbrana optuženih koji mogu biti od uticaja na vrstu i visinu krivično pravne sankcije i to: obračun plaće JKP Visoko za mart

2024. godine, uvjerenje JU Služba za zapošljavanje ZDK, Biro Visoko od 05.06.2024. godine na ime L.O., supruga optuženog i izjava o zajedničkom domaćinstvu na ime O.L. od 05.06.2024. godine kao dokaze odbrane optuženog A.S. te dokazi: Rješenje JU CZS Visoko od 01.09.2020. godine iz kojeg proizilazi da je otac optuženog invalidno lice te suglasnost za liječenje osigurane osobe S.H. od 07.07.2024. godine, Otpusno pismo od 05.07.2024. godine, Subspecijalistički nalaz od 23.10.2023. godine, Specijalistički nalaza od 27.09.2018. godine, Specijalistički nalaz od 19.07.2023. godine, Specijalistički nalaza od 04.03.2021. godine na ime H.S. kao dokaze odbrane optuženog K.F.a.

U završnoj riječi kantonalna tužiteljica je ostala kod optužnice i istakla da obzirom na priznanje krivnje od strane optuženih a što je potkrijepljeno materijalnim dokazima tužiteljstva predlaže da se isti oglase krivim za krivična djela koja im se stavljaju na teret optužnicom i da im se izrekne krivično – pravna sankcija u skladu sa zakonom uz uvažavanje kao olakšavajuće okolnosti priznanje krivnje na početku samog krivičnog postupka i činjenicu da isti nisu osuđivani za ova krivična djela za koja su optužena. Braniteljica optuženog A.S. je navela da obzirom na priznanje krivnje za krivično djelo koje mu se stavlja na teret predmetnom optužnicom predlaže da sud izrekne krivično –pravnu sankciju cijeneći niz olakšavajućih okolnosti koje se nalaze na strani optuženog, to prije svega samo priznanje optuženog za počinjeno krivično djelo da je isti porodičan čovjek, otac 5 mlđb. djece i jedini je hranilac njihove sedmočlane porodice. Imajući u vidu niz olakšavajućih okolnosti na strani optuženog kao i protek vremena od počinjenja predmetnih krivičnih dijela odbrana predlaže da sud optuženom izrekne jedinstvenu kaznu zatvora do 1(jedne) godine, kao i da optuženog oslobodi plaćanja troškova krivičnog postupka zbog lošeg imovnog stanja. Navodima braniteljice se pridružio i optuženi A.S.. Branioci optuženog K.F.a su se u potpunosti pridružili navodima braniteljice prvooptuženog ističući da je i njihov branjenik u cjelosti priznao izvršenje krivičnih dijela kako činjeničnog opisa tako i pravne kvalifikacije pa se isto ima smatrati osobito olakšavajućom okolnosti te su posebno istakli da njihov branjenik nikada nije odgovarao za istovrsno krivično djelo, da je jedini hranilac porodice koja živi sa njim i da se radi o dva teško bolesna lica. Navodima svojih branilaca se pridružio i optuženi K.F..

Nakon što je izvršen uvid u naprijed navedene dokaze, sud je ustanovio da je priznanje oba optužena na glavnom pretresu potpuno i u skladu sa dokazima jer iz dokaza i to: nalaz i mišljenje ispitivanja hemijskog vještačenja broj: 09-18/2-03-5-1601 od 14.10.2021. godine, nalaz vještačenja eksplozivnog sredstva broj 08-02-03/6-03-2-4807-1/21/HN od 13.12.2021. godine, nalaz i mišljenja ispitivanja hemijskog vještačenja broj: 09-18/2-03-5-671 od 15.06.2021. godine, nalaz i mišljenje ispitivanja hemijskog vještačenja broj: 09-18/2-03-5-757 od 18.08.2022. godine i od 15.05.2020. godine, zapisnik o uviđaju PS Visoko broj 08-02-09/1-248/21 od 13.08.2021. godine, potvrdu o privremenom oduzimanju predmeta PS Visoko broj 08-02-09/1-121/21 od 13.08.2021. godine na ime A.S., zapisnik o izvršenoj radnji privremenog oduzimanja predmeta i popisu privremeno oduzetih predmeta PS Visoko broj 08-02-09/1-121-1/21 od 13.08.2021. godine, zapisnik o otvaranju i pregledu privremeno oduzetih predmeta i dokumentacije PS Visoko broj 08-02-09/1-240-1/21 od 20.09.2021. godine, odobrenje i naredba za vještačenje KT ZDK broj T04 0 KTA 0046331 21 od 20.08.2021. godine, naredba za vještačenje KT ZDK broj T04 0 KTA 0046331 21 od 01.12.2021. godine, foto-dokumentaciju PS Visoko broj 08-02-09/1-248/21 od 13.08.2021. godine, foto-dokumentaciju PS Visoko broj 08-02-09/1-240/21 od 13.08.2021. godine, foto-dokumentaciju PS Visoko broj 08-02-09/1-240-1/21 od 20.09.2021. godine, naredbu za pretresanje Općinskog suda u Visokom broj 41 0 K 087195 21 Kpp od 19.03.2021. godine, potvrdu o privremenom oduzimanju predmeta PS Visoko broj 08-02-09/1-44/21 od 19.03.2021. godine na ime A.S., zapisnik o pretresanju stana, drugih prostorija i pokretnih stvari PS Visoko broj 08-02-09/1-

18/21 od 19.03.2021. godine, zapisnik o otvaranju i pregledu privremeno oduzetih predmeta i dokumentacije PS Visoko broj 08-02-09/1-44/21 od 09.04.2021. godine, naredbu za vještačenje KT ZDK broj T04 0 KTA 0044954 21 od 25.03.2021. godine, foto-dokumentaciju PS Visoko broj 08-02-09/1-87/21 od 19.03.2021. godine, foto-dokumentaciju PS Visoko broj 08-02-09/1-44/21 od 09.04.2021. godine, nalaz i mišljenje ispitivanja hemijskog vještačenja broj: 09-18/2-03-5-563 od 15.05.2020. godine, Zapisnik o saslušanju svjedoka saslušša Š.S. od 25.12.2019. godine, naredbu za pretresanje Općinskog suda u Visokom broj 41 0 K 081604 19 Kpp od 25.12.2019. godine, potvrdu o privremenom oduzimanju predmeta PS Visoko broj 08-02-09/1-251/19 od 25.12.2019. godine na ime K.F., zapisnik o pretresanju stana, drugih prostorija i pokretnih stvari PS Visoko broj 08-02-09/1-63/19 od 25.12.2019. godine, zapisnik o otvaranju i pregledu privremeno oduzetih predmeta i dokumentacije PS Visoko broj 08-02-09/1-359-1/19 od 15.04.2020. godine, naredbu za vještačenje KT ZDK broj T04 0 KTA 0040816 19 od 11.03.2020. godine, foto-dokumentaciju PS Visoko broj 08-02-09/1-359/19 od 25.12.2020. godine, foto-dokumentaciju PS Visoko broj 08-02-09/1-359-1/21 od 15.04.2020. godine, naredbu za pretresanje Općinskog suda u Visokom broj 41 0 K 092122 22 Kpp od 04.03.2022. godine, potvrdu o privremenom oduzimanju predmeta PU I Zenica broj 08-02-08/4-64/22 od 10.03.2022. godine na ime K.F., zapisnik o pretresanju stana, drugih prostorija i pokretnih stvari PU I Zenica broj 08-02-08/4-17/22 od 10.03.2022. godine, zapisnik o otvaranju i pregledu privremeno oduzetih predmeta i dokumentacije PU I Zenica broj 08-02-08/4-188/22 od 10.03.2022. godine, naredbu za vještačenje KT ZDK broj T04 0 KT 0048325 22 od 25.03.2022. godine foto-dokumentaciju PS Zavidovići broj 08-02-10/1-42/22 od 10.03.2022. godine, službena zabilješka broj 08-02-03/4-95/20 od 08.09.2020. godine, jasno proizilazi da su optuženi počinili radnje navedene u dispozitivu optužnice i izreci presude.

Odredba člana 238. Krivičnog zakona FBiH tj. krivičnog djela “Neovlašćena proizvodnja i stavljanje u promet opojnih droga“ u stavu 1. i 4. glasi:“ (1) Ko neovlašćeno proizvodi, prerađuje, prodaje ili nudi na prodaju ili radi prodaje kupuje, drži ili prenosi ili posreduje u prodaji ili kupovini ili na drugi način neovlašćeno stavlja u promet materije ili pripravke propisom proglašene opojnim drogama, kaznit će se kaznom zatvora od jedne do deset godina. (4) Opojne droge i sredstva za njihovu proizvodnju oduzet će se.

Odredba člana 239. Krivičnog zakona FBiH tj., krivičnog djela “Posjedovanje i omogućavanje uživanja opojnih droga” u stavu 3. i 4. glasi:“ (3) Ko neovlašćeno posjeduje opojnu drogu, kaznit će se kaznom zatvora do jedne godine. (4) Opojne droge oduzet će se.

Odredba člana 371. stav 1. Krivičnog zakona FBiH tj. krivičnog djela “Nedozvoljeno držanje oružja ili eksplozivnih materija“ u stavu 1. glasi:“ (1) Ko neovlašćeno izradi, prepravi, proda, nabavi ili razmijeni vatreno oružje, municiju ili eksplozivne materije, ili ko neovlašćeno drži vatreno oružje, municiju ili eksplozivne materije čija nabavka građanima uopće nije dozvoljena, kaznit će se kaznom zatvora do tri godine“.

Stoga je sud priznanje krivnje optuženog ocijenio kao jasno, iskreno i nedvosmisleno ničim uslovljeno tako da je priznanje optuženog u saglasnosti sa materijalnim dokazima, naprijed navedenim, u koje je sud izvršio uvid, na osnovu čega van svake sumnje proističe da su optuženi ostvarili sva bitna obilježja bića oba navedena krivična djela koja im se, svakom pojedinačno, stavljaju na teret. To prije svega proizilazi iz dokaza o pronalasku i oduzimanju predmeta/izuzumanju u odnosu na eksplozivno sredstvo i to naredbi ovog suda iz istražnog postupka, potvrda o privremenom oduzimanju predmeta sačinjenih pri postupanju po naredbama ili postupanju policijskih službenika, zapisnika sačinjenih u vezi s tim predmetima (lanac dokaza je tako jasan, i zadokumentovan i fotodokumentacijama u koje je sud kako je

navedeno izvršio uvid, da ne postoji niti najmanja sumnja u vezi zakonitog prikupljanja istih a na navedeno ni odbrane nisu ukazivale u toku postupka), a posebno iz nalaza i mišljenja svih vještaka hemijske struke koji su potvrdili da su sve materije koje su vještačene zapravo opojna droga i to upravo ona droga po vrsti i količini koja je navedena u izreci presude (i dispozitivu optužnice) a koje su zabranjena u Bosni i Hercegovini. Isto se odnosi i na pronađenu bombu za koju je izvještačeno da se radi o eksplozivnom sredstvu čije držanje je građanima zabranjeno. Da su ispunjena obilježja krivičnog djela iz člana 238. stav 1. KZ FBiH u odnosu na oba optužena sud je jasno zaključio iz navedenih dokaza i količina opojne droge (za K.F.a u relevantnom dijelu potvrđena i iskazom svjedoka Š.S.) koja je kod oba optužena pronađena ali i raznovrsnosti istih, te pomoćnih sredstava za iste od vaga, drobilica pa nadalje što sve dovodi samo do jednog mogućeg zaključka suda a to je da su se oba optužena bavila prodajom opojnih droga kako je to opisano u izreci presude (u odnosu na tačku II. C za K.F.a isto posebno i nedvosmisleno potvrđuje službena zabilješka broj 08-02-03/4-95/20 od 08.09.2020. godine na okolnosti koje je trebao svjedočiti predloženi svjedok u optužnici koji je istu sačinio i do čijeg ispitivanja nije došlo jer su optuženi priznali izvršenje krivičnog djela). Isto se odnosi i na krivično djelo iz tačke II. B u odnosu na K.F.a kod kojeg je pronađena opojna droga čije posjedovanje je zabranjeno što jasno proizilazi iz potvrde o privremenom oduzimanju predmeta PU I Zenica broj 08-02-08/4-64/22 od 10.03.2022. godine na ime K.F. i dokaza sačinjenih u vezi s istom potvrdom. U odnosu na bombu čije držanje je stavljeno na teret optuženom A.S.u i počinjenje krivičnog djela iz člana 371. stav 1. KZ FBiH na navedeno jasno ukazuje zapisnik o uviđaju PS Visoko broj 08-02-09/1-248/21 od 13.08.2021. godine (te sačinjene fotodokumentacije i već navedenog vještačanja).

Po ocjeni suda optuženi su i to svaki od njih ponaosob, navedena predmetna krivična djela učinili sa direktnim umišljajem jer su bili svjesni svog djela i htjeli njegovo izvršenje, a sud je utvrdio da je optuženi prilikom izvršenja krivičnog djela bili uračunljivi, jer predocnim dokazima nije dovedena u sumnju mogućnost optuženih da shvate značaj svog djela i da upravljaju svojim postupcima u vrijeme izvršenja djela, te su se u njihovim radnjama stekla sva bitna obilježja bića oba predmetna krivična djela za koja je svakog od optuženih i oglasio krivim. Oba optužena su evidentno bili svjesni i znali da je prodaja i držanje opojne droge zabranjeno u Bosni i Hercegovini a A.S. i da je držanje eksplozivnih naprave-bombe zabranjeno u Bosni i Hercegovini pa su i pored te svijesti i znanja htjeli izvršenja djela koja im se stavaljaju na teret.

Uvidom u izvod iz kaznene evidencije za optuženog A.S. vidljivo je da je isti ranije osuđivan četiri puta od čega tri puta za krivično djelo iz člana 239. KZ FBiH a jednom za krivično djelo iz člana 222. KZ FBiH i sve navedeno u periodu od 11. og mjeseca 2020. godine do drugog mjeseca 2022. godine. Istom su izricane mjere upozorenja uvjetne osude u sva četiri predmeta.

Uvidom u izvod iz kaznene evidencije za optuženog K.F.a vidljivo je da je ranije osuđivan tri puta i to jednom u Bosni i Hercegovini presudom Općinskog suda u Zenici u toku 2019. godine za krivično djelo iz člana 300. KZ FBiH kojom mu je izrečena mjera upozorenja i dva puta presudom inostranog suda u toku 2016. godine i 2017. godine za krivična djela utaja i teška krađa kojom prilikom su također izrečene uvjetne osude.

Prilikom izbora i odmjeravanja krivičnopravne sankcije sud je uzeo u obzir ličnosti učinilaca, njihov raniji život, njihovo ponašanje poslije učinjenih krivičnih djela i stepen krivice.

Pri tome, sud je u odnosu na oba krivična djela od otežavajućih okolnosti optuženom A.S.u cijenio raniju osuđivanost optuženog, a što je utvrđeno uvidom u Izvod iz kaznene evidencije

iz kojeg proizilazi da je osuđivan ali ne za isto krivično djelo i da je posljednja osuda bila u februaru 2022. godine tj. prije dvije godine i to ne za isto ili istovrsno krivično djelo. Optuženom K.F.u su sve osude bile u periodu od 2016. godine do 2019. godine i to ne za isto ili istovrsno krivično djelo. Navedeni protek vremena i ne osuđivanost za isto krivično djelo evidentno umanjuju značaj navedenih otežavajućih okolnosti za oba optužena.

S druge strane, sud je kao olakšavajuću okolnosti cijenio za oba optužena priznanje krivičnog djela na početku glavnog pretresa prije izvođenja dokaza tužilaštva (koji su zaista obimni kako se vidi iz analize istih u ovoj presudi) i činjenicu da su priznanjem znatno doprinijeli ekonomičnosti i efikasnosti ovog krivičnog postupka. Također je sud cijenio kao olakšavajuće okolnosti nezaposlenost supruge optuženog A.S. i broj djece koje isti ima tj. petero malodobne djece i da je isti jedini hranilac sedmočlane porodice sa minimalnim primanjima u šta su sud uvjerio uvidom u dokaze odbrane i to: obračun plaće JKP Visoko za mart 2024. godine, uvjerenje JU Služba za zapošljavanje ZDK, Biro Visoko od 05.06.2024. godine na ime L.O., supruge optuženog iz koje proizilazi da je ista nezaposlena od 21.11.2016. godine i izjava o zajedničkom domaćinstvu na ime O.L. od 05.06.2024. godine iz koje proizilazi da optuženi ima kćerke rođene 2007. godine, 2009. godine, 2021. godine i 2023. godine i sina rođenog 2011. godine. U odnosu na optuženog K.F.a sud je cijenio kao olakšavajuću okolnost dokaze o zdravstvenom stanju roditelja istog o kojima se isti stara (što proizilazi i iz iste adrese prebivališta optuženog i njegovih roditelja) i to: Rješenje JU CZS Visoko od 01.09.2020. godine iz kojeg proizilazi da je otac optuženog invalidno lice te suglasnost za liječenje osigurane osobe S.H. od 07.07.2024. godine, Otpusno pismo od 05.07.2024. godine, Subspecijalistički nalaz od 23.10.2023. godine, Specijalistički nalaza od 27.09.2018. godine, Specijalistički nalaz od 19.07.2023. godine, Specijalistički nalaza od 04.03.2021. godine na ime H.S. iz kojih su vidljivi zdravstveni problemi majke optuženog.

Pri odlučivanju o vrsti sankcije sud je bez imalo sumnje izabrao da je jedina vrsta sankcije u konkretnom slučaju za oba optužena kojom se može postići svrha kažnjavanja kazna zatvora u efektivnom trajanju pri tome imajući u vidu navedene okolnosti i težinu krivičnih djela koja su optuženi oglašeni krivim.

Međutim, sud je odlučio da u konkretnom slučaju sve navedene olakšavajuće okolnosti (a posebno lične okolnosti svakog optuženog) u svojoj sveukupnosti i bez obzira na produženo krivično djelo predstavljaju okolnosti koje su sud rukovodile da prilikom utvrđivanja kazne zatvora za krivično djelo iz člana 238. stav 1. KZ FBiH odluči da istu utvrdi u zakonom propisanom minimumu za to krivično djelo (pri tome imajući u vidu i zakonsku odredbu člana 55. stav 3. KZ FBiH koja glasi:“(3) Kad se radi o produženom krivičnom djelu istih zakonskih obilježja, sud će izabrati vrstu i mjeru kazne koja je propisana za to krivično djelo“) a za ostala krivična djela sud je kazne utvrdio u granicama propisanim za ta krivična djela.

Stoga je sud imajući u vidu svrhu kažnjavanja i uzimajući u obzir sve okolnosti koje utiču da kazna bude manja ili veća, odnosno, olakšavajuće i otežavajuće okolnosti, primjenom zakonskih propisa predmetnih krivičnih djela, te uz primjenu člana 42., 43., 49., i 54. i 55. Krivičnog zakona FBiH optuženom A.S.u za produženo krivično djelo „Neovlaštena proizvodnja i stavljanje u promet opojnih droga“ iz člana 238. stav 1. u vezi sa članom 55. KZ F BiH utvrdio kaznu zatvora u trajanju od 1. (jedne) godine i za krivično djelo „Nedozvoljeno držanje oružja ili eksplozivnih materija“ iz člana 371. stav 1. KZ F BiH utvrdio kaznu zatvora u trajanju od 1. (jedan) mjesec, a optuženom K.F. za produženo krivično djelo „Neovlaštena proizvodnja i stavljanje u promet opojnih droga“ iz člana 238. stav 1. u vezi sa članom 55. KZ F BiH utvrdio kaznu zatvora u trajanju od 1. (jedne) godine i za krivično djelo „Posjedovanje

i omogućavanje uživanja opojnih droga“ iz člana 239. stav 3. KZ F BiH utvrdio kaznu zatvora u trajanju od 1. (jedan) mjesec, te im obojici izrekao jedinstvenu kaznu zatvora u efektivnom trajanju od po 1. godine.

Po mišljenju ovog suda i kod postojanja opisanih okolnosti koji utiču da kazna bude veća ili manja, izrečena kazna obojici optuženi srazmjerna je stepenu odgovornosti i težini počinjenih krivičnih djela koja im se stavlja na teret, a tako i generalne i specijalne prevencije predviđene članom 42. KZ FBiH tj. svrhe kažnjavanja.

Isto tako, sud je u skladu sa odredbama člana člana 78. i 238. stav 4. KZ F BiH optuženim A.S.u i K.F.u izrekao mjere sigurnosti trajnog oduzimanja predmeta radi uništenja u propisanoj proceduri i to: od A.S. opojnu drogu „amfetamin“ u količini od 13,927 grama koja je pohranjena u PS Visoko, opojnu drogu “cannabis, tetrahidrokanabinol (THC)” u količini preostaloj nakon vještačenja koja je pohranjena u PS Visoko i od K.F.a opojnu drogu „amfetamin“, opojnu drogu „metilendioksimetamfetamin (MDMA)“, opojnu drogu “cannabis, tetrahidrokanabinol (THC)” u količini preostaloj nakon vještačenja koja je pohranjena u PS Visoko, opojnu drogu “cannabis, tetrahidrokanabinol (THC)” u količini od 0,010 grama i 0,234 grama koja je pohranjena u KT ZDK Zenica a kako je to i predloženo u optužnici jer su ispunjeni svi zakonski uslovi za izricanje takve mjere.

Na osnovu člana 202. stav 1. i 3. ZKP FBiH sud je optužene A.S. i K.F.a obavezao da na ime troškova postupka plate paušalni iznos od po 30,00 KM jer su obojica izjavili pred sudom da su zaposleni a radi se o iznosu koji neće uticati na izdržavanje istih po ocjeni ovog suda (iako je braniteljica optuženog A.S. predložila oslobađanje od troškova za istog).

Imajući u vidu sve navedeno i donesena je odluka kao u izreci.

Zapisničar
Alma Halilović

SUDIJA
Amir Bajrić

PRAVNA POUKA:

Protiv ove presude dozvoljena je žalba Kantonalnom sudu Zenica u roku od 15 dana po prijemu iste, a žalba se podnosi ovom sudu u tri primjerka.